

瘍

醫

大

全

瘍醫大全目錄

卷三十七

急救部

三木門主論

附方

杖瘡門主論

附方

湯潑火傷門主論

附方

金瘡門主論

附方

弓箭鳥鎗傷門主方

針入肉門主方

竹木刺門主方

狐刺瘡門主論

附方

傷水瘡門主方

救自刎門主論

救溺水門主論

救凍死門主論

救熱死門主論

救魘死門主論

救中惡門主論

救嚇死門主論

救五竅出血門主論

救神箭鬼箭門主方

除妖魅鬼魔門主方

崇症門主方

瘍醫大全卷三十七

蕪湖顧世澄練江氏纂輯

增錢之栢惠陽

男 龔燮用和

全校

急救部

自刑杖湯火起至自刎縊溺魘魅等證皆彙於此部  
中以便檢閱叅治

三木門主論

世多情不由已事出不虞受害一身重刑難免遭此  
極刑何求不得每致冤抑難伸足脛多成痼疾特  
立此門救諸慘痛惟鐵布衫一方功效非輕

新增

三木門主方

秘方

生牛肉剝爛作餅四個每個納胡椒十四粒貼夾傷處新綿裹緊一夜即能步履矣

鐵布衫丸

臨審預服受刑不痛亦且保命

自然銅

煨紅醋淬七次

蘇木

無名異

洗去浮土

當歸

酒洗搗膏

沒藥

去油

地

龍

去土晒乾

乳香

去油

木鱉子

香油搽在殼上灰焙用肉各等分

研細煉蜜丸如芡實大每服三丸預用白湯化服縱受非刑辱拷可保無虞

又方

狗油

飛

麵

各四兩

川

烏

草

烏

各五錢

草蘇仁

三錢

皂角刺

十個

麝

香

一錢

肥

皂

二十個煮爛去筋皮弦子

二烏皂刺和飛麝研細入上藥共搗爛作四餅  
先一日貼受刑處忌鐵器冷水 或加猴腦或  
猴頭全搗更妙



頂服免痛

自然銅

火煨醋淬七次

蚯蚓

白頸者乳

香

去油

番木鱉

沒

藥

去油

無名異

各等分

研細煉蜜爲丸每重二錢臨時酒下

受刑後

獨核肥皂

一角

稅

米

一升

全煮成飯去飯用肥皂搗敷

又方

黃牛肉一觔剉碎入紅銅末四兩搗勻敷

又方

生獨核肥皂

砂糖

真麝香

搗如泥蒸熟作餅貼夾傷上棉花包好

夾棍傷

一出衙門卽用熟童便一盆將足浸之如便冷燒紅磚二塊淬之卽熱直浸至童便面上浮起白沫其傷盡出矣不疼不癢再用肥皂搗如泥入雞蛋清和勻鼈傷處以草紙包裹脚縛緊三日不可動卽效

內服末藥方人中白

煨一兩

木耳

燒灰存性五錢

乳香沒藥

俱用箸炙去油

懷牛膝

各三錢

自然銅

煨五錢

共研

細末再用牛膝酒煎調服三五錢

如無末藥卽

用當歸尾川芎乳香獨活鱉虱胡麻骨碎補紅花

五加皮

各一錢

生白酒一壺煎數沸縱量飲避風寒

厚蓋出汗立愈如骨傷加土鱉虫

一枚

夾棍傷神驗膏

周鶴仙

大黃

白

蠟

各四兩

敗龜版

當歸

各三兩

松

香

乳

香

各二兩

骨碎補

沒

藥

各一兩

川續斷

五錢

麝香 二錢

以上各爲細末猪板油三兩將白蠟松香乳香  
置在銅鍋內同猪油化開將前藥末入油攪勻  
爲膏貼於夾傷處第二日即可行走

夾棍軟骨神方 江仍度

川烏 炒存性 草烏 炒存性 猪牙皂 炒成性

草麻子 去殼炒飛 麵 六兩 狗油 半觔熬

共搗勻作四餅每餅中間包真麝香二分五厘  
貼用刑處 先用葳靈仙四兩煎湯足脛浴透

然後以藥餅貼上 修合時忌犯鐵器 如不用刑以半夏生薑飛麵各等分做四餅貼上卽解

夾棍神方

肥皂子

水浸透去外黑皮用裏白肉併仁

搗如泥如明日用刑今

晚用此藥上至脚廉胫一節下至脚底板心併指

甲內處處敷勻不可有一毫空隙以油紙包好外

用裹脚纏定其藥與皮肉一樣顏色不變用刑時

一些不得毫無傷損用刑後以豆漿溫洗之

其豆漿須

預先一日將黃豆  
泡爛磨漿候用

### 玉紅夾紙膏

專治杖瘡及夾棍大刑並跌打損傷如神

乳香 去油

紅血竭

沒藥 去油

白兒茶

潮腦 各一兩

銀硃 八錢

銅綠 三錢

嫩松香 四兩

· 研細末

草薢仁

肥大者去皮膜四百四十粒入乳鉢內乳之以成膏爲度

和上藥再乳成膏如杖瘡用夾連油紙一張用

木尺裁九寸五分長一尺一寸寬折過來一面  
用針戳孔一面攤膏於上合蓋夾膏於內以有  
孔者着肉貼之外以桑皮紙包好再用裹脚纏  
緊爲妙貼一伏時揭下用後開洗藥洗拭乾淨  
再將膏拭淨仍以原膏貼之至重者不過三次  
全愈 如受大刑亦用夾連油紙雙折四方塊  
共四塊亦如前法碎刺孔眼一面攤膏貼上用  
新棉花包裹再用裹脚纏好或五六日一換此  
膏旋攤旋貼其膏用蓋碗收貯勿洩氣如乾難

攤以滾水燉開攤忌鐵器忌見火

洗刑杖法

白木

葳靈仙

秦艽

五加皮

當歸

漢防已

紅花

川牛膝

羌活

劉寄奴

甘草

宣木瓜

獨活

廣三七

白芷

防風

各二錢

煎湯洗後再貼玉紅夾紙膏



夾棍方

如直遇冤枉者可送此藥救之功德無量

生肥皂 六兩

真猴骨

一兩到細末

活鯽魚

大者一尾小者二尾

沒藥 去油

乳香

去油

生半夏 各五錢

老生薑 四錢

麝香 三分

生葱 二兩

共研勻做成四餅貼於兩足孤拐上二夜天明  
卽去如不受刑用甘草四兩煎濃水趁熱洗一  
二次卽解

杖瘡門主論

東醫寶鑑云杖傷大槩通滯血皆以酒引蓋血滯則氣壅淤氣壅瘀則經絡滿急經絡滿急故腫且痛凡打撲着肌肉必腫痛者以經絡傷氣血不行故如是

申斗垣曰叫號傷氣忍痛傷血亦有血奔心而死者宜熱尿灌之

啟玄

種杏云凡杖畢卽用童便好酒各一鍾合而溫服免血攻心甚妙仍用葱白搗爛炒熱湯杖處冷則易

止痛散血如神

馮魯瞻曰宜用紫荊皮乳香沒藥生地大黃黃栢之

類錦囊

朱丹溪曰黃栢生地紫荊皮皆敷杖瘡之要藥也若  
血熱作痛宜涼血去瘀血爲先加血竭紅花更佳  
心法

入門云凡杖瘡忽乾黑陷毒氣攻心恍惚煩悶嘔吐  
者死

陳實功曰杖瘡已破肉者以清涼膏敷之疼腫卽消

未破瘀血內攻者用針放出內蓄瘀血再以大成湯下之便通自愈如傷處瘀腐已作痛疼者玉紅膏搽之自然腐化生新而愈至於辱刑重刑難受之時宜預服鐵布衫丸方得保身全命也

正宗

陳遠公曰腿受官刑皮肉腐爛死血未散疼痛呼號似宜用膏藥末藥外治爲佳受刑深重不急內消尚恃外治則逍遙膜外安能衛心使惡血不相犯乎故內治宜速也世人外治之方多有神奇而內治之方絕無應驗往往多一時心亂而死者雖犯

法遭刑其中情直罪當者固多而受冤遭陷者更復不少冤氣在心則肝葉開張肝氣填急尤善引血入心使無辜之人一旦輕死固非醫人之罪而治之無法是誰之愆與予得異方凡受官刑卽時煎服服後用膏藥末藥內外兼治瘡口易愈必無性命之憂矣衛心仙丹大黃紅花丹皮木耳各三錢白芥子二錢當歸生地各一兩桃仁三十粒水煎一服惡血散矣不必二劑再以膏貼之名護心仙丹大黃白蠟敗龜板當歸各一兩三七根乳香

沒藥各三錢骨碎補松香各五錢麝香五分爲末  
先以猪油一兩全白蠟松香入銅鍋化開再下各  
藥拌爲膏貼傷處外用油紙包裹以布紮住輕者  
一張重者二張足矣如夾棍重傷不須四張即可  
行步二方至神至奇內方使惡血盡散外方便死  
肉速生合而用之何至損命嘆醫治之無術耳

水盪

杖瘡門主方

杖瘡珍珠散

兼治一切刀傷斧斫敷上立即止血歛口腫毒  
久不收口者掃上立即生肌收口

珍珠

入豆腐內煮至豆腐起蜂窩時取出研

乳香

去油

海螵蛸

水飛

琥珀

象皮

炒黃

沒藥

去油

龍骨

火煨紅

兒茶

輕粉

各一錢

爪兒竭

二錢

研細磁瓶密貯毋洩其味

製油紙法

槐枝一寸長四十九段麻油四兩熬至枝枯撈起  
再入黃蠟四兩熔化乘熱卽裁厚綿紙長濶四五  
寸或厚皮紙拖油取起出火氣聽用

凡杖後以刷桿挑敷前製末藥於杖處將油紙  
貼上再以尋常油紙蓋之外以新布裹定一日  
一換藥紙每次只用藥五六分不過數日設若  
杖瘡已經見水過須倍費時日也用此藥必須  
製油紙否則收口過速恐留餘毒也



散腫止痛膏

嫩松香

煉化濾清六兩

草麻仁

搗化四兩

潮

腦

一兩

礪

硃

飛過五錢

銅

錄

木飛二錢

先將松香用重湯燉化再入四味攪勻用陳油

紙

甘草湯煮過陰乾

攤貼杖瘡不可見水貼上紮緊

又方

生大黃末紅糖調敷候乾溫湯洗去又敷數次大有散血止痛之功

又方

凡杖後卽用童便和酒一杯飲之以免血氣攻心  
外用熱豆腐鋪在杖傷處其氣如蒸腐色變紫後  
易之候紫血散盡轉淡紅色爲愈

又方

韭菜搗爛敷之

又方

陳石灰爲末水調鷺翎掃上

又方

鳳仙花連梗葉搗敷

又方

豆腐煮透拌黃柏細末搗敷

又方

細磁片搗極細末麻油調敷立時止疼

又方

劉寄奴 六錢

馬鞭草 四錢

研細蜜調敷潰者乾摻

棒瘡皮破

辟麝草葉搗爛敷上紮住卽愈

散瘀拈痛膏 正宗

杖後皮肉損破紅紫青班焮腫疼痛墜重者

用如意金黃散一兩加樟冰三錢研勻以白石灰一升用水二碗和勻候一時許用灰上清水傾入碗內加麻油一半和勻以竹筴百轉自成稠膏調前藥稀稠得所聽用杖後帶血不用湯洗將藥通遍敷之紙蓋布裝夏月一日冬月二日方用葱湯淋洗乾淨仍再敷之痛止腫消青紫卽退傷重者另搽玉紅膏完口

又方

臘猪油錢一兩七黃蠟三錢潮腦二錢五分

白蠟輕粉鉛粉各五錢

冷藥去油二錢乳香一錢去油冰片一分

先將猪油二蠟化開再入各末攪勻攤貼油  
紙用甘草湯煮熟捶軟熱湯燉化攤貼凡棒瘡  
破爛至重疼痛者一日換一張三日全愈

一方猪油二兩潮腦一兩白蠟黃蠟各七錢五  
分輕粉一錢麝香冰片各三分無乳香沒藥鉛

粉

杖瘡爛下肉至重者都門內官傳

木耳水泡搗爛敷在爛處止痛生肌

鬼代丹

受杖不痛故名

無名異

木鱉子

去殼油

自然銅

火煨醋淬七次

地龍

去土

乳香

去油

沒藥

去油

草烏

各等分地上挖一小土坑用炭火燒紅澆醋在坑內入草烏蒸軟一方無草烏

為末蜜丸彈子大每服一丸溫酒化下 凡用

此丸可先用出過蟻的蚕繭子燒灰二錢爲末  
酒調下再服此丸如服過此丸不曾遇責可用  
牛膝甘草煎湯服之卽解

乳香散

杖瘡神效

全當歸

自然銅

醋淬七次  
各五錢

茴

香

四錢

滴乳香

去油

真沒藥

去油各  
三錢

研細每服五錢溫酒調下

寄杖散

醫鑒

未打之先取白蠟一兩細切入碗內滾酒泡服則  
雖打着不痛

杖傷 公門秘方

久爛中有四五分深潭不能收口者

血竭

錢一

硃丹

輕

粉

各二錢

白

蠟

錢五

共爲細末摻上一日夜其肉四圍生起兩日卽

平

又方



杖後腫痛

雄黃 一兩

密陀僧 五錢

研細水調敷極妙

杖後

白芨研細每日米飲調下三錢數日即愈

仙傳膏

杖後重傷死血鬱結呃逆不食並夾傷內爛貼之可以起死回生

輕粉

血竭

各三錢  
樟腦 二錢

冰片三分

麝香一分

沒藥去油

乳

香去油各一錢五分

共研極細用猪板油一兩二錢黃蠟一兩同化調藥成膏攤貼患處晝夜流水卽時甦醒

又方

滑石大黃赤石脂各等分研細蜜調敷

又方

梧桐樹根晒燥炒黃研細重者一錢輕者五分好酒冲服

湯潑  
火瘡



湯潑火傷門主論

申斗垣曰火之爲用性最猛烈萬物頃刻成灰何況人之皮肉經此灼燔皮焦肉捲苦痛難熬輕則成瘡重則致死百計千方難免其苦特選奇方以救湯火中傷之苦

啟玄

又曰滾湯沸油熱粥失悞常遭其害令人皮溺肉爛又曰每見貧苦烤火禦寒熾令火氣入肉成瘡作痛出汁宜製栢散加蘇薄荷末搽之

陳實功曰但凡水火之氣當分其勢而利導之切不

可驟用冷汁淋漓涼藥塗敷熱毒得冷更深入骨  
難瘥設令寒涼一遍火毒歸心殺人更速

正宗

又曰此患原無內症皆從外來也有湯火熱極逼毒  
內攻又有外傷寒涼激毒入極外皮損爛者以清  
涼膏等藥塗之如毒氣入內煩躁口乾二便秘澀  
者下之炮破珍珠散搽之

正宗

錢青榆曰湯火傷飲冷水者必死浸冷水中必爛至  
骨

丹方

澄曰凡被火傷悶絕者急用輪迴酒或童便灌之或

溫水和蜜灌之甚則以酒盪熱入浴缸內令被傷人浸酒中極重不死

若發熱作渴小便赤澀用四物湯加連翹梔子甘草滋陰養血以消其毒

若傷處死肉而不作痛者用四君子湯加當歸川芎連翹健其脾胃以消其毒

若傷處死肉不潰用八珍湯加白芷補氣排膿如不應加肉桂如不斂用四君子湯加當歸川芎黃芪健脾養胃生肌不應加炮薑

若小兒被傷目睫頭搖用四君子湯加當歸川芎山  
梔健脾胃清肝火

若食後被傷腹脹作痛用四君子湯加山梔神麴山  
查壯脾胃以消之此乃規矩準繩不可更張至誤  
也

醫鑑曰凡被回祿烟薰致死者白蘿蔔搗汁灌之卽  
甦以其辛能散氣也

澄  
曰凡被火傷之人宜用羌活一兩煎服俾火毒得  
汗外泄庶免內攻

湯潑火傷門主方

雷真君遂火丹 秘錄

治無意之中忽為湯火所傷遍身潰爛與鬼為隣服之可以變死而生

當歸 四兩

白茯苓

黃芪 各三兩

大黃 製

生甘草 各五錢

荊芥穗 炒黑

黃芩

防風 各三錢

水煎服一劑痛減半二劑痛全減三劑瘡口全愈此至聖至神之方也



又方

蛤蜊殼火煨研細麻油調如稀糊以鵝翎掃上如  
冰至重者二三遍全愈疤痕全無忌酒如喫酒必  
作癢抓破有痕

又方

用煮熟雞蛋黃炒出油來調竹蛀虫屑搽之  
火瘡疼不可忍

生大黃

黃連

黃柏

黃芩

白芨

各等分

研細末麻油調搽

又方

先以好酒洗之再以鹽敷則護肉不壞如皮塌者以酒熬牛皮膠敷之如遍體傷者用好酒滿浸溫則易之可保火燒不死

又方

菜油一碗浸一刻卽不疼兩三日便褪皮如不便浸頻頻塗之

又方

先以糯米漿雞翎掃上後用劉寄奴研末搽上不  
痛且無疤痕

又方

陳年白螺螄殼煨研入輕粉和研濕則乾搽不破  
清油調搽

又方

白芝蔴殼燒存性研細敷之若患處乾燥則以蔴  
油調搽

又方

丹參半觔 羊油二觔

煎三五沸濾清塗之

又方

菜豆粉

榆皮麪

輕粉各等分

研細麻油調搽濕則乾摻

又方

先用臘酒冷洗以拔其毒再用煮熟鷄蛋十餘枚  
去白取黃炒焦黑取油一盞調生大黃細末二兩  
搽之

又方

當歸炒

生大黃炒各等分

研細用麻油或蠟燭油調搽

又方

白蠟三兩

膽黃一兩五錢

用磁碗一個生姜擦過黃土和泥塗之碗不能碎放火上將蠟熔化膽黃搥如豆大全熬如炭形爲度將膽黃棟去蠟熬如鵝黃色然後加麻油三觔煎勻收貯搽之

麻黃膏

雄猪油 四兩

斑一猫 三個

草麻子 去殼研極  
細一百粒

麻黃 五錢

大楓子 去殼研  
一百粒

先將猪油化開下班猶煎數沸隨去班猫再下  
麻黃煎枯濾去渣將大楓子草麻子和勻聽搽

又方

大黃

朴硝 各等分

菜油調搽取肉得鹹則堅實且解熱毒也

湯火傷已發泡者解熱毒爲主

湯醫大全

蛤蜊殼

煨

蚌殼灰

生石膏

大黃

各等分

研細香油調搽取其寒勝熱也

湯泡火傷並治牲口燒傷敷上須臾水出流水則吉

反此爲齒

榆樹根白皮研細一兩飛丹二錢和勻并華水調敷或涼水敷之

又方

細茶

小麥

各等分

共炒黑色存性研細末濕則乾摻乾則用麻油調搽

又方

風化石灰入水攪勻澄清加麻油約油三灰水七爲率攪勻雞翎掃上

黃栢散

黃栢一大塊以生豬胰塗炙酥爲末麻油調搽火燒悶絕並治狼烟煤炭毒

輕則白蘿蔔汁灌之重則以熱尿灌之



火傷並火藥傷

煤炭燒紅搗末醋調塗

湯火傷未起泡者

醬敷

又方

麪糊塗良

又方

鹽汁浸

湯火傷泡已破者當收濕解毒生肌爲主

榆樹皮根研細藤油調敷

又方

石膏研細桐油調敷痛卽止熱卽退

又方

熟石膏東丹研勻搽之

又方

銀杏研末搽之

又方

西瓜皮入磁壘內埋土內化水搽之

又方

冷燒酒淋洗止痛

又方

線香嚼碎敷之

又方

秋葵花浸麻油塗

又方

地榆研細麻油調搽或榆白皮末豬油調搽

又方

醃菜葉貼之或鹹菜滷浸之

又方

石膏生桐油調搽

又方

鹽酒浸之

又方

生大黃末雞蛋清或砂糖桐油蜜醋俱可調敷

又方

風化石灰雪水調搽

又方

白頸蚯蚓糞煨存性蘇油調搽

又方

搗猪毛煨灰香油調搽

又方

扁栢葉焙研蘇油調搽

又方

猪板油加乾麵搗搽

又方

泥漿加鹽醋塗之

又方

柏子樹皮研末蘇油調搽

又方

鹽擦

又方

生大黃研細蘇油調搽立刻止痛不起泡

又方

絲瓜葉搗爛敷上一日卽好

又方

糯米粉炒黑酒調敷熱酒煨傷神效或菜汁調

又方

陳麴糊敷滾油燙傷神效

又方

大麥炒黑研細用粥沫調搽卽刻止痛麻油調亦可

又方

麩皮炒黑研末敷

又方

臘月猪膽汁塗黃柏炙乾爲末敷之

又方

螃蟹殼燒灰麻油調搽

又方

取雄雞宰熱血淋瘡上隨淋隨效

又方

生大黃切片浸麻油搽愈陳愈效

又方



扁柏葉同冷濃茶搗爛敷

保生救苦丹

治火燒熱油燬及一切狗嚙損傷

生寒水石

不拘多少

研細油調塗之其痛立止

滾粥燬傷

錫箔遍貼神效如受傷重者可喫溫香油一鍾

湯火傷

槐花炒研末油調搽立時止痛

又方

爛茶葉敷

湯火傷爛見骨者 丹方

百草霜 三錢 輕粉 一錢五分

乳細麻油調搽

玄妙飲

川黃連

天花粉

玄參 各二錢

桔梗

陳皮

黑山梔 各一錢五分

淡竹葉三十片水煎服如藥不便只用好酒溫

洗拔其熱毒內服童便以護其心使火毒不內  
攻隨取大黃末桐油調敷卽垂危者皆保無恙  
秘方

劉寄奴研爲細末桐油或菜油調敷其泡立消其  
痛立止頃刻結靨神驗

又方

元服設燒灰爲末真桐油調塗數次卽愈

又方

生蘿蔔搗爛敷之甚效

火燒爛神方

周鵠仙

狗骨煨成灰爲細末麻油調敷神效無比

燒爛神方

鉄銹花磨水塗之神效

又方

大黃

二兩

貫仲

黃

栢

各一兩

共研細末用煮熟雞蛋黃數枚入鍋內炒出油  
調敷三五日全好無疤

湯發

老松皮

去外粗皮  
去裡青皮

生大黃

各等分

研細末生桐油調如稀糊掃上卽出熱氣隨手

其泡自消

湯火傷

狗油熬老敷患上隨乾隨敷

又方

臘脂濕冷水貼患處貼後水乾卽以涼水滴臘脂

上立卽止痛不起泡

火燒

人糞瓦上焙枯黑爲末香油調搽

火燒滾湯起泡

陳蕎麥麵打糊裱上立止疼痛結靨

火燒湯潑粥盪油盪奇方

程懷書

平日泡過茶的茶葉剩下的茶脚不拘甚的粗細  
茶葉用瓦罍一個放朝北地上日逐裝在罍內聚  
之已滿用大磚一塊蓋好須得一年用之方妙愈  
陳愈好凡遇上症不問已潰未潰搽上卽定痛結  
疤第一驗方

湯火所灼

煖灰水和敷並用灰汁洗

又方

黍

米

炒黑

女

麴

炒黑各等分

研末鷄蛋白和塗

又方

柳樹白皮切細全猪油熬塗

又方

栢樹白皮切細全猪油熬塗

又方

小便漬洗

又方

苦酒和雄黃塗

湯火灼已成瘡

白蜜塗上取竹膜貼之

又方

雞蛋白塗

又方



豆醬汁塗

又方

柳樹皮燒灰敷

又方

猪油和米粉敷

又方

狗毛碎剪燂皮膠和之遍封傷上結痂自落

又方

新熟牛糞塗

又方

石膏細末搽之

又方

白蘇末搽

又方

陳石灰水和敷乾則換敷

滾湯煎膏所傷潰爛

丹參切細羊油熬膏敷

又方

搗生芝蔴如泥厚敷

又方

地榆末全雞蛋清調搽

又方

新牛糞和雞蛋清塗止痛不爛

湯火傷

生梨搗碎敷

又方

猪油

生大黃

頭髮

全熬濾清候冷塗上

又方

絲瓜葉陰乾爲末麻油或菜油調搽

湯火燙

汪樹峰云余幼時誤墜烈火中半體皆傷諸治不效後得此方始愈以厚酬始獲此方

平時收老黃瓜不拘多少覓厚實磁瓶收貯藏暗濕處自爛爲水塗傷處立時止痛卽不起泡

又方

狗血塗

又方

油餛子燒存性研極細末入真香油在乳鉢內研  
糊塗

爆竹炸傷

急取鮮栢枝搗和香油調敷

湯火傷

王御臣

傷時人皆倉皇無主切不可用冷水澆洗如一時  
敷藥不便先飲童便一碗或生蘿蔔汁一碗後用  
雞蛋數個每個打一孔瀝取蛋清入碗內用筋攪  
成清水用雞毛蘸掃傷處每次掃六回每日掃六

次止痛消腫退熱生肌無痕

又方

陳石灰

新者亦可

不拘多少泡水中候灰澄底取水和小磨麻油攪勻似蛋清一樣以雞翎掃患處外用兔毛貼上若乾後沾實則不必揭動如不沾再掃貼

又方

熟鵝蛋黃置銀石器中熬油調胡粉搽

又方

楊梅樹皮及根燒存性香油調敷

又方

冬月收頭一次雪水至夏月拾西瓜皮泡雪水內封貯臨用頻洗傷處其效猶速

又方

梨切片貼止痛不爛

火燒

驚甲燒灰香油調搽

又方

西瓜皮焙爲末雞蛋清調搽

神仙一把抓

治湯火燒並杖瘡

黃丹一兩

潮腦五錢

爲末以蜜調勻塗患處立刻止疼好後無痕



## 金瘡門主論

陳實功曰大凡金瘡出血不止若素怯弱者當補氣若素有熱者當補血若因怒當平肝若煩渴昏憤當補脾氣若筋攣搐搦當養肝血若投藥不應當用地黃湯以滋腎水忌見風及服止血傷筋等味其人若渴務要忍着宜進乾燥並肥膩等物以止渴切不可食鹹過飲漿水稀粥凡犯之則血動溢出血殺人如喜怒憂愁大言狂笑思想房勞暴躁勞碌酸鹹糟油熱羹一槩禁忌雖愈仍忌可服黃芪

六一散八味地黃丸可保無虞

正宗

程山齡曰刀刃或磁鋒割損淺者皮破血流而已深者筋斷血飛不住皮破者福緣散摻之止血定痛筋斷者天下第一金瘡藥敷之筋骨俱斷其人面色必黃外避風寒內忌冷物如失血過多者獨參湯八珍湯補之此外別無他法

十法

脉經云金瘡血出太多其脉虛細者生數實大者死

金瘡出血脉沉小者生浮大者死 斫瘡出血

一二石脉來大者二十日死 斫刺出血不止者

其脉止脉來大者七日死滑細者生如脉病不相應故死

病源云金瘡腸斷者視病淺深各有生死腸一頭見者不可連也若腹痛短氣不得飲食者大腸一日半死小腸三日死腸兩頭見者可連續之先以針線如法連續之斷腸便取雞冠血塗其際勿令氣泄卽推納之但出不斷者作大麥粥取汁洗腸以漬納之且作粥清稍稍飲之二十餘日乃喫糜粥百日後乃可進粥

靈惠云金瘡失血其人當苦渴然須忍之常令乾食可與肥脂之物以止其渴又不得令飲粥則血溢出殺人也又忌嗔怒及大言笑動作勞力及食鹹酸熱酒熱羹葷皆使瘡痛衝發甚者卽死

聖惠云凡金瘡傷天窓

穴名

眉角腦後臂裡跳脉髀內

陰股兩乳上下心鳩尾小腸及五臟六腑俞皆死處又破腦出髓而不能語戴眼直視喉中沸聲口中唾出兩手妄舉者俱不可治

得效云金瘡出血虛細則宜實大則傾

又云傷雖淺命脉虛促可慮傷至重命脉和緩永無慮也血出甚者脉不要洪大只要平正重寶

又云肚破腸出在外若腸全斷難醫不斷者可治腸及肚皮破者麻縷爲綿或桑白皮尖葺爲線以花蕊石散敷線上從裏縫之腸子則以清油擦活放入肚內乃縫肚皮不可縫外重皮留皮開用藥糝待生肉

又云傷破肚皮腸與脂膏俱出先用湯藥如活血散佛手散與服用手擘去膏不妨此是閑肉放心去

之然後推腸入內用線縫之仍用通利藥勿令二便秘澀

正傳云大凡金瘡及折傷墜墮內損者必有瘀血停積先宜逐去瘀血若亡血過多則調養氣血爲主花蕊石散奪命散雞鳴散導滯散破血消痛湯復元活血湯皆可選用

金瘡門主方

天下第一金瘡藥

程山齡

治刀斧傷損並跌撲打碎敷上立時止血定痛  
更不作膿勝於他藥多矣

雄猪油

一觔四兩

黃蠟

松香

各六兩

乳香

箬烘去油

沒藥

箬烘去油

血竭

兒茶

各一兩

銀粉

炒篩四兩

樟冰

三兩研極細

冰片

麝香

各六分

以上藥研極細先將猪油松香黃蠟三味熬化

癰疽方全  
四  
濾去渣待冷再入藥末攪勻磁器收貯不可洩氣

又方 徐元昇

老松香不拘多少將淡河水滿鍋滾透煮之撈起扯拔浸冷換水又煮又扯如此九遍煮去苦水復用銅鍋熔化傾入冷水中不必扯拔待冷又化如此三次揀淨松香十兩加去淨油乳香沒藥各一兩研細和勻敷傷處用絹帛縛緊能止血止痛續筋生肌不膿不潰跌打破損亦效忌生酒鮮魚豆



腐糟菜

又方

魚膠洗淨用麻布包煮爛隔布絞出乘熱加乳香  
沒藥去淨油各二錢銀粉六分共搗勻取青布一  
幅用針釘在新板上將竹刀刮藥攤在布上候乾  
收貯量傷處大小將藥布入滾水泡軟移攤青絹  
上貼傷處止血止痛如將愈之際有一眼仍以前  
藥泡軟納瘡眼中卽斂口矣

金瘡並陽症腫毒

用大粉草入去青竹管中油灰寒氣管孔立冬日  
放糞缸內立春先一日取起豎立陰乾破竹取甘  
草研細金瘡乾者水調敷濕則乾溲熱毒疫毒內  
服均妙即人中黃也

又方

白松香研細將傷口用手擠合厚厚敷之布紮緊  
不怕風不怕水旬日即瘥

又方

鉛粉

乳香去油

風化石灰

沒

藥

去油各一兩

枯

礬

三錢

研細摻之

又方

元眼核剝去外面黑漆皮陰陽瓦煨研細末乾摻

奇驗

又方

蘇木煎湯童便冲服

又方

茜草根煎湯童便冲服

又方

澤蘭葉煎湯童便冲服

又方

紅花煎汁童便冲服

又方

真白龍骨研細摻之血卽止

又方

海螵蛸研細摻之血立止

又方

金毛狗脊毛罨傷上

又方

不拘新舊蠶綿絲綢以及舊氈帽俱可燒灰搽之

又方

晚蚕砂爲末摻之外以絹條束緊止血生肌

又方

多年戴油舊氈帽邊煨灰摻之或搽亦可

又方

白芍藥一兩炒黃研細末酒調服二錢止痛

又方

白蠟研末填滿傷處布帛裹定二三日卽愈

又方

寒水石研末敷之止痛最速

又方

生五倍子爲末乾摻血出不止者神效

又方

桑樹皮中白汁塗傷處止血

又方

蘆子嚼爛敷上其血立止且無他患跌破更效

又方

乾蓮蓬焙末搽

又方

烏木篋研末搽

又方

獨殼大栗研乾末搽

又方

紅絨煨灰摻

又方

花蘂石研末摻

又方

青石研末摻

又方

半夏研末摻

又方

天南星研末摻

又方



小麥麵乾摻

又方

舊壇帽煨灰同香灰研勻摻

又方

陳石灰同韭菜搗爛陰乾研末摻

又方

百草霜研細摻

又方

初生小鼠同石灰搗勻陰乾摻

又方 聖惠

血竭末摻之止血生肌

又方 聖惠

原蚕蛾炒研末敷

又方

半夏鬱金風化石灰各等分研末摻上血立止

又方

古墳石灰研末摻

又方

黃丹白礬末摻之血立止

又方

桑葉陰乾研末敷如急用焙乾亦可

又方

劉寄奴爲末摻之並治箭傷

又方

驢屎煨存性研末搽之血立止如不及煨卽用潮  
的亦妙

又方

降香節

五倍子

各五錢

廣三七

二錢五分

研極細摻之止血定痛箭傷亦妙

又方

臘月牛膽入風化石灰懸掛風頭避陰處候乾去  
膽皮將石灰研細敷

又方

五倍子

炒枯

降香節

判屑炒黑色  
各等分

研勻摻傷處紮定

刀傷斷指臂者俱可接整

降

香

燒未過者六兩

荔枝核

炒四兩

先將傷斷處接端正取絕細末香油調敷數日  
後骨肉完全如故

金瘡並磕損折傷血出疼痛不止者

葱白

砂

糖

各等分

研勻封之其痛立止更無疤痕

刀傷折傷葱熨法

先飲童便酒後用葱炒搗爛乘熱包縛傷上冷則  
易之

金瘡毒刺疼不可忍

葱一大把水三升煮數沸漬洗傷上卽止

金瘡久不收口

出過雞的蛋殼內嫩皮連血陰陽瓦焙黃研末  
油調搽濕則乾摻

金瘡跌打瘀血內攻腹脹

劉寄奴

延胡索

骨碎補

去毛淨  
各三錢

水煎加童便冲服

刀斧砍斷筋

金錢花葉莖根去土淨搗自然汁滴瘡口中以搗敷上不過半月斷筋自續

刀斧斫傷以及跌破頭顱者

霜降後三日取雞冠花葉洗淨入滾水內掇過撈起青布包過夜次早用線穿掛無烟薰日色之處陰乾刷去灰塵研末加冰片少許密貯乾摻

五金所傷並竹木刺誤犯人神所在之處流血不止上身被傷流血不止急以銀一錠燒紅烙傷處如下身被傷流血不止急以鉄一塊燒紅烙傷處其

血立止此急救良方也

刀斧傷甚

真降香磁鋒刮下研極細末摻上次日結靨如鉄

又方

麝

黃

研碎五錢

白

蠟

一兩

入麻油化膏冷定搽之

又方

多年陳石灰一觔生大黃一兩炒黃色除去大黃  
只用石灰研細摻傷上布紮自效



又方 欬立

真廣三七煎湯洗之其血立止

又方 聖惠

白膠香

白芷

老松皮

血竭

研細末敷之

又方 聖惠

黃丹

滑石

研末敷之夏月以薄荷葉貼之二日一次以藥

水湯洗自效

金瘡傷至重者

得效

海味中鹹白鯁成片鋪在傷處以帛紮定血立止

下蚕室瘡不合

入門

取所割勢火煨爲末酒調服

昔有一人自割其勢瘡久不合用此方不

數日而愈

金瘡及諸傷重痛悶欲死

入門

取牛一隻剖腹納其人於牛腹浸熱血中可甦如傷處用血竭末醋湯調飲出血而愈或戰陣砲矢

刀傷

銅匠銼下黃銅細末乳細摻之立合

金瘡出血 揉醫書

龍骨 煨二錢 乳香 去油 沒藥 去油各三錢

白礬 半生半 無名異 各一兩 五倍子 半生半 焙

共為末乾摻不作膿不怕風立時止血住痛生

肌

金瘡神方 周鶴仙

松香 去油如油去不盡反疼用新磚二塊火內燒極熱上下多覆紙將松香入在中間壓

金瘡方 顧氏秘書

二三次則油盡如白霜矣

生半夏 各等分

研極細末搽之有力者宜預合濟世神驗無比

又方

真降香 切片火上炙去油 荔枝核 血 竭 各等分

爲極細末敷患處卽刻止痛作癢不三日全愈

雖斷指亦能續也神驗

又方

荔枝核燒灰存性爲細末填傷口一夜卽平復

叉方

揀淨剃下黑頭髮數觔洗淨油膩搥乾將鮮竹筒取一段打空一節將髮裝入築極緊用木塞口黃泥封放於微火灰內煨一夜存性打開髮成粉矣收貯磁瓶內遇刀傷敷之神驗之極

叉方

端午午時採苧麻葉陰乾揉成絨罽上卽定痛止血

刀斫斧傷肉落

人指甲陰陽瓦焙研細末密貯凡遇斫傷將末摻  
上以肉合上急用扇子急力搨之卽合若傷口深  
大又不宜  
扇風恐成破傷風些  
小刀瘡此方頗驗

刀傷

琥珀末摻之

又方

一人因劈裂瓜甲指拇索金瘡藥裹之其痛不止  
急取葱白入糠火煨熱剝皮劈開其中有涎如涕  
取搽損處仍多煨取接續易搽凡三易之血止痛

消並不潰良方也

刀傷湯火跌打斷筋損骨

麻

油

熬老冬月用油七兩五錢夏月用油五兩一錢

入白蠟一兩膽黃

五錢不住手攪成餅塗搽

刀傷

熊膽和水調搽傷處立刻止血定痛不作膿

小兒刀破手

銅蓋屑刮下搽

刀傷

圖書店滑石末摻之

又方

生大黃炒黑研細摻

又方

堅實細炭

老松香 各等分

研細用韭葉汁拌陰乾再研細摻之如急用則  
不用韭汁拌亦效

夾剪斷指

蟬蛛窩纏指上包煖卽好



刀斧傷並跌打流血不止

何首烏研細擦上使血歸經

金瘡跌打止血定痛

乾荷葉研末擦即能生肌

刀傷雖數日作膿亦效

老松香

川大黃

各一錢

共研細末乾摻

弓箭鳥鎗傷門主方

弓傷全睛突出並治打傷眼珠腫痛

急以手探入勿見風取精豬肉切薄片攤在熱鉢上候肉熱急貼傷處冷則更換

箭頭入肉

蜚

螂

十個去殼取白肉

土

狗

三個

婦人髮

灰少許

全研如泥厚塗之以兩手蹙之箭頭自出

箭傷

三七根三錢好酒煎露一宿服卽愈

中毒箭

急飲麻油數碗其毒自解

中毒箭

藍汁一升飲之並淋傷上若無藍汁以青布漬水

絞汁飲並淋傷上

針刀箭鏃折在肉裏

杏仁嚼細塗之

針刀箭鏃折在肉裡

象牙屑和水敷之

針刀箭鏃折在肉裡

瓜萇根搗爛敷之每日三易

箭頭入肉

推糞蜣螂一個搗如泥煎湯頻洗傷處自出

箭頭入肉

陳臘肉

去皮骨  
搗爛

人指甲

象牙

牙

各二錢

研細入臘肉內搗勻敷四圍卽出

鉛子入肉

水銀灌入傷處其鉛卽化從傷處隨水銀流出

箭傷

劉寄奴研末摻之

箭鏃及金刃中骨脉不出

入門

白蘇

半夏各等分

右爲末每用淡姜湯調服一錢日三至二十日

自出

又方

聖惠

螻蛄取汁塗其上自出

又方

聖惠

鼠腦塗其上自出

又方 聖惠

好磁石着其上自出

又方

搗鼠肝或鼠腦塗之即出

鉛子入肉 吳天序

用麪和成作團圍受傷處以白荳菜搗爛納團內  
不過三四次鉛子即出或蜂蜜中酒飲醉亦出

毒箭

煮藕汁飲

又方

搗生葛根汁飲之

又方

雄黃研敷

箭穿耳並割耳

熱馬糞敷上止痛

箭傷

婦人月經或月經布塗傷處

針入肉門主方

驗方

搗推屎蛭螬敷之自出

又方

螻蛄腦子全硫黃研細調敷以棉紙貼定如覺癢時其針自出內服棗仁末三錢白湯調下

又方

象牙末水調敷卽出

又方



煮臘肉熟皮貼上其針卽出

針悞入肉無眼者不動有眼者隨氣血遊走若走向心窩胸膛者險

急用烏鴉翎數莖炙焦黃色研細末酒調服一二錢俱可

如聖膏

治針入肉

車脂輦油不拘多少研如膏調磁石細末攤紙上如錢許貼之每日換二次

醫家用針將針折在病人肉內

鼠腦研如膏塗之卽出

竹木刺門主方

竹木刺入肉

收晚蚕蛾入竹管內塞之凡遇竹木刺截入肉內  
卽取蚕蛾研細和津唾調塗之卽出

又方

刮指甲末同紅棗肉搗爛塗之

又方

象牙末磨濃汁滴之良久自出

又方

蝮蛄搗爛塗之自出如刺已出肉痛甚者亦效

又方

白茅根搗敷立出

又方

嚼牛膝根敷之自出

又方

烏羊糞搗爛水調厚敷之自出

又方

頭垢敷之卽出

花蕊石散

治刺入肉日久血瘀腫脹

花蕊石 八兩  
硫 黃 四兩

研極勻瓦罐盛之封口鹽泥固濟晒乾安風爐內上下著火煉兩炷香爲度候冷打開研細收貯此乃散瘀血之神藥也

凡竹木刺咽喉中

舊象牙梳取屑研細水調服

蘆葦刺入肉

生栗子細嚼爛敷之

又方

鹿骨煨存性水調敷雖日久不過兩次卽出

又方

羊糞燥者燒灰和脂塗之刺若未出再敷之

又方

搗烏梅水和塗刺上立出

又方

莧菜搗爛敷患處外以布裹定卽化

又方

牛膝根莖合搗以敷之卽出縱瘡合口其刺猶出

又方

煮瞿麥汁飲之日三立出

又方

溫小便漬之

又方

酸棗核燒研服之瘥

又方

白茅根燒末以膏和塗之亦主諸瘡因風發腫



狐刺瘡門主論

申斗垣曰狐刺瘡是竹木刺簽傷皮肉或手足而成  
痛不可忍有雌雄二種當分治之雄者只生一箇  
雌者生有五七箇瘡內皆有亂絲瘡外必然有刺  
者是也 敬玄

大成書名狐狸刺 蓋螳螂又名野  
狐鼻涕故名

外臺總錄二書名狐尿刺

心法曰狐尿刺由螳螂盛暑交媾精汁染於竹木諸  
物乾久有毒人手足誤觸之則成此患初起紅紫

斑點肌膚乾燥悶腫焮痛不眠十日後腐開瘡口  
自寬宜服黃連解毒湯外以蒲公英連根濃煎溫  
洗之若有鮮者搗汁厚塗患處更佳

狐刺瘡門主方

驗方 啟玄

桑柴灰

輕粉 等分

研勻乾罨患上以米醋澆之頻換立愈

鐵棘竹木諸刺在肉內不出並蛇骨刺人毒痛

死老鼠煨研敷之

傷水瘡門主方

凡竹木刺破皮膚或魚刺諸骨傷損之後誤犯生水  
疼痛潰爛名傷水瘡

五倍子

蛤粉

黃丹

各等分

全炒變色研細乾摻

## 救自刎門主論

斷食賴者可治斷氣賴者難治

全要知覺早急急將頭扶住乘其氣未絕額未冷用

絲線縫合刀口將活雄鷄一二隻扯下熱雞皮

冷則

無用週圍纏護刀口用軟絹帛並棉花紮之外將女

人舊裹脚週圍再纏五六轉勿使洩氣其中自然

合而爲一令勿者仰臥以高枕枕住腦後使刀口

不開須要避風衣被蓋煖若氣從口鼻通出用白

米一合入人參一錢生薑三片全煎粥湯飲之接

補元氣再請明醫診視

凡自刎喉管不斷者不可見水急用麻線縫之外以  
血竭細末罨之隨用天下第一金瘡藥厚塗之綿  
紙蓋定然後用狹褻脚布纏住以綿紮之間日加  
敷藥頭不可動搯十日全愈

程山齡

自刎者乃迅速之變須救在早遲則額冷氣絕必難  
救矣初刎時氣未絕身未冷急用絲線縫合刀口  
摻上桃花散多摻爲要急以綿紙四五層蓋刀口  
藥上以女人舊布裹脚將頭擡起周圍纏繞五六

轉裝之患者仰臥以高枕枕在腦後使項鬱而不直刀口不開冬夏避風衣被覆煖待患者氣從口鼻通出以姜五片人參二錢川米一合煎湯或稀粥每日隨便食之接補元氣三日後急手解去前藥用桃花散摻刀口上仍急纏紮紮二日急用濃葱湯軟絹蘸洗傷處挹乾用抵脚挑玉紅膏放手心上捺化捺於傷口處再用舊綿花薄片蓋之外用長黑膏貼裏周圍交紮不脫近喉刀口兩傍再用黑膏長四寸濶二寸豎在膏上兩頭貼粘好肉

庶不脫落外再用絹條圍裹三轉針線縫頭冬月  
三日夏月二日每用葱湯洗挹換藥自然再不疼  
痛其肉漸從兩頭長合內服八珍湯調理月餘如  
大便結燥用猪膽套法不可用利藥利之雙額俱  
斷者百日單額斷者四十日必收功完口此法曾  
治強盜郭忠皂隸沙萬家人顙與俱雙額齊斷將  
危者用之全活單額傷斷者十餘人治之俱保無  
虞矣

又曰降香末或松香末摻之神效



救自縊門主論

急用衣物緊塞穀道前後抱起解繩安放平正揪髮  
向上揉其項痕捻圓喉管脚踹兩肩以兩管吹氣  
入耳內或刺雞冠熱血滴口中男用雌女用雄鼻  
卽氣轉再屈伸其手足將手摩之使氣血得流通  
再以皂角末吹鼻切不可割斷繩索雖早至暮身  
冷猶活

一法抱下徐解繩索用好肉桂三錢煎湯灌之

雷直君活人錄云岐天師救五絕神法五絕者乃縊

死跌死壓死淹死壓死是也世人禍存倉猝往往  
不救然此等之死五臟未絕因外來之禍而在死  
者也其魂魄守於屍傍相去未遠苟以神術招之  
魂魄卽附體而可生也神符一道先書黃紙上焚  
化在熱黃酒內燒開牙關灌入喉中後再用救絕  
仙丹黃酒調勻以人口含藥水用葱管送於死人  
喉內少頃卽活

招魂符式



無咒但書符時一心對

雷真君天醫使者 書之自然靈應無比

救絕仙丹方

人參

半

夏

各三錢

山羊血

石菖蒲

製蘇葉

各二錢

紅花

麝香

皂角刺

各一錢

共爲末蜜丸龍眼核大酒化開用修合時宜端午  
日妙如臨時旋合不必如許之多十分之一可也  
此方神奇之極閒時修合一料大可救人若臨期  
緩不濟事此方不特救五絕凡有邪祟昏迷一時

卒倒者皆可灌之以起死回生也

秘錄

縊死切忌刀剪斷繩急令抱住以膝頂住陰戶穀道解下雞冠血滴鼻中筆管吹耳卽活

一切暴死用生半夏末吹鼻中卽活

王今樵曰凡係有人縊死其宅內及縊死之處往往有相從而縊及縊之非一人者俗謂之討替身謂已死之鬼迷以自代此種渺茫幻妄惑世誣民之談豈君子所樂聞然書謂子不語怪夫怪僅曰不語則是怪亦世所嘗有非云世絕無怪也吾鄉有

張姓者其家僅足自食夫先臥婦則仍女紅偷兒  
乘夜踰垣往竊未敢竟入伺於窗外見牀側一鬼  
婦向本婦先嬉後泣拜跪再三本婦睨視數次忽  
長歎潛然淚下偷兒心驚專心伺之婦卽自理絹  
帛仍有不忍卽行之狀鬼婦更復再拜祈求本婦  
方行自縊偷兒急甚大聲疾呼其夫鼾喘若不聞  
偷兒無法以救適簷下有竹竿取從窗櫺中擗擊  
鬼婦其夫方覺偷兒呼令急爲開門相助解救在  
此婦固不自解覓死爲何事其夫亦不問呼門爲

何人而偷兒亦自忘乎爲偷兒矣事後各道其詳  
因發牀側之壁視之其中梁畔實有先年自縊繩  
頭尚存雖云朽爛非真而其形其跡則仍宛然由  
此以觀則世俗所傳亦未盡屬無根之談荒唐之  
論矣據故老所示辟除秘法不知出自何典頗有  
行之而驗者法於自縊之人尚在懸掛未解時卽  
於所懸身下暗爲記明白方行解下時或卽用鐵  
器或卽用大石鎮而壓之然後於所鎮四面深爲  
挖取將所鎮土中層層爬視或三五寸或尺許或

二三尺於中定有如雞骨及如各骨之物在內取而或棄或焚則可辟除將來不致有再縊之事實爲屢試屢驗其理殊不可解但及時卽挖則得之淺而易遲則深而難然亦不出八九尺外也雖云幻妄無稽不知何以行之實有可據得毋如聖哲所云天地之大何所不有心知理之所必無安知非情之所必有其殆是欺愚故從而筆之卽或行之未驗聊以解愚夫愚婦之疑亦未必非拯救自縊之一預道也

虞初新志

心法曰若繩痕深者最稱難治

又曰旦而至暮者可治夜到天明者難治

澄

曰凡救縊傷須急令人抱住將結解開切勿剪割  
斷繩子以手揉其項痕撚圓氣管並按摩胸腹或  
用手捫其口鼻或口對着口接氣再令一人以脚  
踏其兩肩手挽其髮常令扯急不可使頭抵下又  
令一人以膝頭或手厚裹衣服緊緊頂住穀道若  
婦女並抵住陰戶勿令泄氣若手脚已經僵直必  
須盤曲如僧打坐之狀急以兩管吹其兩耳再研



生半夏末吹入鼻孔以針尖刺鼻下入中穴以艾  
炙脚心湧泉穴男左女右各三壯男刺雌雞冠血  
女刺雄雞冠血滴入口中以安心神再以薑湯化  
蘇合丸灌之如無蘇合丸以濃薑湯灌之其一切  
救法必待氣從口出呼吸眼開方可散手甦醒後  
只宜少飲粥湯潤其咽喉不可驟與飯食依此拯  
救再無不活之理

又曰針刺艾炙及滴雞冠血於口中三法雖澄遍採  
方書而得之者亦曾用之有驗但必須心口尚溫

大便未下舌未伸出彼家的係無故自縊並須有  
親人在傍協同拯救並無威逼磨折情節方可針  
刺艾炙滴血若事涉嫌疑萬一難救反起訟端又  
不得不慮及此也幸高明酌用

真野山羊心血二三釐研極細酒灌下卽活

普救

救溺水門主論

急倒提出水用牛一頭令橫臥以腹臥牛脊上牽牛緩行令吐出腹中之水以老薑擦牙卽活口噤者攤開橫一筓於牙間使水得出如無牛以鍋覆地將溺人臍對鍋臍俯臥腳後稍高以手托其頭水出卽活

或以皂角末用棉紙捲成條通其穀道其水自出大約倒提出水時人硬可救如已綿軟是回過水不能救

用搐鼻通天散吹鼻中得嚏卽甦

搐鼻通天散猪牙皂角去皮莖一兩

北細辛去葉半夏各五錢共研細末每用一二分吹鼻中

溺水及服金屑者以鴨血灌之

錢青榆曰溺死切忌倒提出水火烘無救用鍋子合地急將死者臍對鍋臍覆上用入扶牢徐徐推鍋轉移走筋夾口中出腹中水卽活

澄

曰凡水溺之人夏天可救冬天難救撈起時切勿倒控急急將口撬開橫啣筋一隻使可出水以竹管吹其兩耳研生半夏末吹其鼻孔以皂角末置

管中吹其穀道如係夏月用牛一隻將溺人肚皮橫覆牛背之上兩邊令人扶住牽牛緩緩行走腹中之水自然從口中大小便流出再用蘇合丸化開灌之或生薑汁灌之若無牛以活人仰臥令溺人如前將肚皮橫覆於活人身上活人將身子微微動搖水亦可出若一時無牛活人又不肯爲卽用拷拷一隻將溺人覆其上亦可

又曰如係冬月急將濕衣解去一面炒鹽用布包熨臍一面厚鋪被褥取灶內煖草灰多多鋪於被褥

之上令溺者覆臥其上肚下墊以棉枕一個仍以  
草灰將遍身覆蓋灰上再加厚被不可把灰瞋於  
眼內卽撬口啣筋灌蘇合丸生薑湯吹耳鼻穀道  
等法冬夏一樣急救醒後宜少飲溫酒夏天只與  
清粥飲蓋灰性煖而能拔水凡蠅溺水死者以灰  
埋之少頃卽活此其明驗也

又曰溺水死者用鴨血灌之立活

救凍死門主論

切忌熱水火烘

急用大鍋炒灰盛布袋內放在心口並熨臍腹之間  
袋須數個冷更換灌以溫酒薑湯用厚被蓋煖俟  
血脉和通身上漸溫卽活


秘要云凍死一日猶可活過此卽不療

又云若不先溫其心便持火炙其身體冷氣與火相  
搏則死

又曰用厚綿被將凍人捲住睡臥令兩人推來轉去

使血脉相通身上漸溫卽活如無棉被新草薦亦

可





救熱死中暑昏悶

切忌飲冷水不可令臥冷地

當急移陰處用大蒜搗爛加路上熱土和水去渣灌之再掬路上熱土擁擠臍間作窩令衆人尿滿煖氣透臍卽甦

又法急以姜湯或童便乘熱灌下外用布蘸熱湯熨臍下三寸穴立醒醒後忌飲冷水飲之立死

又曰暑月曬衣不可便入箱櫃中恐冬月服之有中暑者若吹透再收便無此患

救魘死門主論

原有燈卽存燈勿熄如無燈不可點燈但痛咬腳跟並咬大指拇而頻唾其面再灌以姜湯或用皂角末或半夏生研或雄黃末吹鼻中得嚏卽醒

諸卒死及魘死急於人中及兩腳大指內離瓜一

韭菜許灸七壯卽活

綱目

凡魘死並中惡切忌火照驚慌烏骨鷄血滴口中立活

扁鵲曰五絕死者一曰自縊二曰墻壁所磕三曰溺

水四日魘魅五曰產乳皆用生半夏一兩搗篩吹  
一大豆許於鼻孔中卽活亦有用生半夏末水和  
丸如小豆大塞鼻中並吹末於耳內心下溫一日  
者尚可救奈人不曉的皆因見其氣絕多不救耳  
惜哉

救中惡門主論

或登厠或出郊外野地或遊冷室或行人所罕到之處突然眼見鬼物口鼻吸着惡氣驀然倒地四肢逆冷兩手拳握口鼻出血性命逡巡不救此名中惡大約此證同尸厥證同但腹中不鳴心腹俱煖爲異凡遇此證卽刻衆人圍繞不可移動衆人打鼓燒火或焚麝香蘇合香安息香之類直候至醒知人事方可移動用犀角一錢硃砂麝香各五分研細水調服或用石菖蒲搗汁灌口鼻中

又法用鮮菖蒲根搗汁灌入鼻中或口內自活

卒被鬼擊如中箭用桃皮一片安痛上取一匙頭安

桃皮上用艾胡桃大安匙上灸之卽瘥

入門

或往死喪墳廟來家卽死急斷猪尾取血灌之并縛

豚枕之立活

凡卒死得紫金錠磨汁灌之立甦

書曰中惡者乃遇屍喪邪病古廟墳塚空房冷寓廢

署荒園鬼神壇塲祈禱祠社池沼苔蘚醞濕藤蘿

樹木陰鬱一經感觸卒然昏迷名曰中惡急將病

人移於宅內東方以醋炭燃之用薑湯化蘇合丸  
灌之或藿香正氣散亦妙再用葱尖刺入病者耳  
內出血卽活如無血者不治若大吐大瀉口鼻流  
血者不治

救嚇死門主論

急抱定用溫酒徐徐灌下卽活如九竅出血用大薊  
一握絞汁和好酒半盞頓服如無鮮大薊卽乾大  
薊研末滾水灌服三錢

清晨汲頭一吊桶水喫面極效

書曰嚇煞卽驚怖死也

救五竅出血門主論

耳目口鼻竅中一齊出血藥不及煎死在旦夕俄頃  
用冷水當面噴幾口急分開頭髮用粗紙竅層蘸  
醋令透搭在顙門血卽止次用當歸一兩煎湯磨  
沉香降香各五錢加童便服之血自歸經然後以  
四物湯加人參黃芪北五味麥門冬爲丸服之可  
收萬全之功



救神箭鬼箭打門主方

神箭 不可針刺

狗 骨 燒灰 三錢 山 梔 研 七個 飛白麵

陳 糟 各一 兩

醋調敷

鬼箭打

鉄 屑 細末二 核桃肉 一觔 桃 仁 八兩

全入磁器內加好酒四觔隔湯煮蓋上以糯米  
置之米熟爲度每日不拘時隨量煖服蓋被發

汗服時痛稍甚服完漸愈勿以服藥時痛而中止也

鬼箭打

山

梔

炒

飛

麤

桃

頭

七個

杵餅貼次日作七丸投炭火中燒響卽愈

除妖魅鬼魔門主論

妖魅鬼魔不肯明言者鹿角剉細末酒調服卽知人事矣

夢與鬼交者以鹿角末清酒調服卽出鬼精

婦女夢與邪物交通獨言獨笑心神恍惚者用明雄細末一兩松香二兩熔化投下明雄以虎爪攪之丸如彈子大夜焚於焙籠中令女坐其上以被蓋之露頭在外不過三三次卽愈內用菖蒲棗仁遠志硃砂茯神等味爲末服之

慣多夢魘者用通明大硃砂縫袋盛之藏髮內睡之  
是夜卽無邪夢矣

崇症門主方

平崇散 秘錄

礪砂 三分

黃連

甘草 各三分

冰片 一分

乳極細人乳調點兩眼角立消